

## **Projekat obnove stambenih jedinica iz sredstava Saudijskog fonda za razvoj**

Kreditnim sporazumom između Bosne i Hercegovine i Saudijskog fonda za razvoj obezbjeđena su sredstva u iznosu od 56.250.000 saudijskih rijala za Projekat obnove stambenih jedinica povratnika, izbjeglica iz BiH i raseljenih osoba u BiH. Očekuje se da će rekonstruisane stambene jedinice osigurati prebivalište i trajno stambeno rješenje za oko 1000 porodica, dok su ukupni troškovi projekta procijenjeni na 15 miliona USD.

Odlukom Komisije broj: K-6-3-2293/13 od 26.06.2013. godine izvršen je izbor prioriternih opština i okvirnog broja korisnika za obnovu stambenih jedinica iz sredstava Saudijskog fonda za razvoj. Odabir korisnika vrše nadležna entitetska ministarstva za izjegllice i raseljena lica i Odjeljenje za izbjeglice i raseljena lica Vlade BD. Navedenom odlukom predviđeno je da se projekat implementira u 81-oj opštini /gradu i Brčko Distriktu, od čega 51 opština/grad u Federaciji BiH i 30 opština/gradova u Republici Srpskoj.

Za implementaciju projekta su zaduženi entiteti i Brčko Distrikt. Fond za povratak je zadužen za finansijsku realizaciju i priprema zahtjeve za plaćanje koje zajedno sa pratećom dokumentacijom dostavlja Ministarstvu finansija i trezora BiH, a koje istu dostavlja direktno Saudijskim fondu (SFD) na plaćanje.

Obzirom da je sporazum o zajmu oslobođen svih poreza, iz sredstava kredita se vrši plaćanje obaveza za izvršene usluge i radove u neto iznosu, dok se obaveze po osnovu obračunatog PDV-a plaćaju iz udruženih sredstava.